


Լ. Ա. ԱՎԱԳՅԱՆ

ԵՐԿՐԱՔԱՆՈՒԹՅԱՆ ԵՎ ԼԵՌՆԱՅԻՆ ԳՈՐԾԻ ՄԵՐ ԵՐԱՆՏԱՎՈՐԸ

Ականավոր երկրաբան, Հայկական ՍՍՀ գիտության վաստակավոր գործիչ, դոկտոր-սրբոհեռուր Հովհաննես Կարապետյանը (1875—1943) Հայաստանի երկրաբանական ծառայության սկզբնավորման շրջանի այն նշանավոր գործիչներից էր, որի բազմակողմանի ու բեղմնավոր գործունեությունը զգալի դեր է խաղացել ոչ միայն Հայաստանի, այլև Անդրկովկասի երկրաբանական կառուցվածքի և օգտակար հանածոների հետազոտման, լեռնահանքային արդյունաբերության վերականգնման ու զարգացման գործում:



Հովհ. Կարապետյանը հանգիստացել է Հայկական ՍՍՀ Գիտությունների ակադեմիայի երկրաբանական ինստիտուտի (1935) և նրա թանգարանի (1937) հիմնադիրը: Նա իր բոլոր կարողություններն ու գիտելիքները, իր փայլուն տաղանդն ու անսպառ ուժն ի սպաս է դրել երկրաբանական ծառայության զարգացման և կադրերի պատրաստման գործում, մեծ սիրով ու նվիրվածությամբ ստեղծագործել է սոցիալիստական շինարարության և մշակույթի ամենատարբեր բնագավառներում:

Հովհաննես Տիգրանի Կարապետյանը ծնվել է 1875 թ. հունիսի 2-ին, Ախալքալաք գավառական քաղաքում, արհեստավորի ընտանիքում: Նրա մանկությունը և պատանեկությունը տեղեկ են կարիքի ու զրկանքների պայմաններում, պայմաններ, որոնք հանգիստացել են նրա «ամենամեծ դպրոցը», մղել աշխատանքի և ուսման, ուղի հարթել ղեպի նոր կյանք: Նախնական կրթությունն ստացել է հայրենի քաղաքում, իսկ այնուհետև սովորել է էջմիածնի

Գեորգյան ձեռարանում և Թիֆլիսի ներսիսյան գալուցում, որն ավարտել է 1895 թվին:

1895—1896 ուսումնական տարում նա պաշտոնավարում է Ախալքալաքի հայոց արական գալուցում նշանավոր գյուղագիրներ Զարույթյուն Ճուղուրյանի և Արշակ Աղապյանի հետ, որոնց ազդեցության տակ հետագայում գրում է գյուղական ծանր կյանքը պատկերող մի բանի պատմվածքներ:

1896 թ. օգոստոսին Հովհ. Կարապետյանը հրավիրվում է Թիֆլիս և նշանակվում Հավլաբարի ծխական գալուցի ուսուցիչ: Այստեղ նա պաշտոնավարում է մինչև տարվա վերջը, մինչև ցարական իշխանության կողմից հայկական գալուցների վերջնական փակելը: Ահա հենց այդ օրերին, անգործ ուսուցիչը ծանոթանում է լեռնային ինժեներ Բարանովի հետ, որը ժամանել էր Թիֆլիս Կովկասում ոսկու հանքավայրեր որոնելու համար: Բարանովի հրավերով Հովհաննեսը մասնակցում է նրա արշավախմբի աշխատանքներին և մոտ մեկ տարի շրջագայում է Կովկասի տարբեր շրջանները: Հենց այդ արշավախումբն էլ Հովհաննեսի համար ունեցավ բախտորոշ նշանակություն, բանի որ նա այդտեղ ստանալով իր առաջին երկրաբանական մկրտությունը, որոշեց իրեն նվիրել երկրաբանության և լեռնային գործին, մի բան, որի մասին նա երազել էր դեռևս վաղ հասակից:

1898—1906 թվականների ընթացքում Հովհաննեսը շրջում է Կովկասի հեռավոր անկյունները, ուսումնասիրում է զրանց երկրաբանական կառուցվածքը և ընդերքում տարածված օգտակար հանածոները, իսկ այնուհետև մշակում է իր հավաքած նյութերը՝ հետագա հրապարակման համար: Միաժամանակ նա կարդում է երկրաբանության և լեռնային գործին նվիրված գրականություն, ինչպես նաև ծավալում է հասարակական, հրապարակախոսական և լուսավորական գործունեություն:

Այդ տարիներին Հովհաննեսը ղեկավարում է «Կովկասյան հայկական բարեգործական ընկերության» գործերը և մշակութային գործիչ Մարիամ Թումանյանի հետ մեկտեղ նախաձեռնում ու իրականացնում են մի շարք միջոցառումներ:

Նույն տարիներին Հովհ. Կարապետյանը զգալի դեր է կատարում «Հայկական դրամատիկական ընկերության» ստեղծման, այնուհետև ղեկավարման և աշխատանքների ծավալման ուղղությամբ: Օժտված լինելով գերասանական ձիրքով, նա ակտիվ մասնակցություն է ունենում հայկական դրամատիկական խմբի և Թիֆլիսի ժողովրդական տան սիրողների ներկայացումներին: Նրա անմիջական ղեկավարությամբ բեմադրվում է Մոլիերի «Ակամա ամուսնություն» կատակերգությունը, էմիլ Տեր-Փրիգորյանի «Բ՞նչ անեմ ես» և Մաղաթյանի «Կրթ-կրթ» ողբիկները, Նալդյունովի «Վանայի զավակները» դրաման և այլն: 1903—1907 թվականների ընթացքում Հովհ. Կարապետյանը Թիֆլիսում լույս տեսնող «Новое обозрение», «Тифлисский листок» և «Тифлисская газета» թերթերում տպագրում է «Հայկական դրամա» հոդվածաշարը, որը հանդիսանում է հայ թատերական Թիֆլիսի տարեգրությունը:

Հայկական թատրոնին մատուցած ծառայություններից բացի, Հովհ. Կարապետյանը զգալի գործ է կատարել նաև հայկական ժողովրդական երաժրշտության զնահատման ու տարածման բնագավառում: Գեռ մանուկ հասակից նա սիրել է երգն ու երաժշտությունը և հատկապես հմայվել է հայկական ժողովրդական երաժշտությամբ: Օժտված լինելով ձայնական լավ

ովյալներով, նա մասնակցել է Ախալքալաքի, Էջմիածնի և Թիֆլիսի մի շարք երգչախմբերում, իսկ երբեմն էլ հանդես է եկել որպես մենակատար: Վերջապես, Կարապետյանը հանդիսանում է իր ուսուցիչ, անվանի կոմպոզիտոր և խմբավար Քրիստափոր Կարա-Մուրզայի կյանքին ու գործին նվիրված առաջին մենագրության հեղինակը, որը լույս է տեսել Թիֆլիսում, 1904 թվականին:

Սակայն, Հովհ. Կարապետյանը իր բաղձակողմանի գործունեության մեջ առաջնությունը վերապահում է երկրաբանությանը և լեռնալին գործին, շարունակելով որոնումներն ու պրպտումները: 1901 թ. Թիֆլիսում լույս է տեսնում նրա «Կովկասում լեռնալին գործի զարգացման համառոտ ակնարկ» գրքույկը, որի մեջ տրվում են Կովկասի հարուստ բնության բոլոր հանածոների տարածումը, հետախույզման և արդյունահանման պատմությունը և վիճակը, դրանց տնտեսական նշանակությունը և հեռանկարները:

Մինչև 1905 թ. Հովհ. Կարապետյանը աշխատակցում է «Новое обозрение» թերթին և վարում է նրա մամուլի տեսության բաժինը: Միաժամանակ նա ամենատարբեր հարցերին նվիրված բազմաթիվ հոդվածներ է տպագրում «Մշակ», «Արշալույս», Հաղթանակ», «Кавказ», «Тифлисский листок», «Вестник горного дела и орошения на Кавказе» և արիշ թերթերում ու ամսագրերում:

1906 թ. Հովհ. Կարապետյանը մեկնում է Ռուսիա և Եգիպտոս ճանապարհորդության: Մոտ երկու ամսվա ընթացքում նա այցելում է Պոլիս, Ալեքսանդրիա, Կահիրե և Նեղոս գետի հովտի տեսարժան վայրերը: Շրջադալության ընթացքում նա մոտիկից ծանոթանում է Ռուսիայի և Եգիպտոսի տնտեսական ու քաղաքական կյանքին, մտորում հայ և եգիպտացի աշխատավորների ծանր վիճակի, Արաքս և Նեղոս մայր գետերի մասին: Նա գրում է «Ճանապարհորդական տպավորություններ» և «Նամակներ» հոդվածաշարը, որոնք տպագրվում են «Մշակ», «Աշխատանք», «Черноморский гонец» և այլ թերթերում:

1906 թ. Հովհ. Կարապետյանը մեկնում է արտասահման բարձրագույն կրթություն ստանալու: Մոտ մեկ տարվա ընթացքում նա հաճախում է Լոդանի ինժեներական դպրոցը, Լյեծի համալսարանը, Բրյուսելի պոլիտեխնիկական ինստիտուտը, իսկ այնուհետև տեղափոխվում է Մոնսի (Բելգիա) հանքաբանական բարձրագույն դպրոցը, որտեղ նա անցնում է լեռնալին գործի և կիրառական երկրաբանության լրիվ դասընթացը: 1912 թ. Հովհ. Կարապետյանը «ամենաբարձր գերազանցության դիպլոմով» ավարտում է և ստանում է ինժեներ-երկրաբանի կոչում:

Անհրաժեշտ է նշել, որ Մոնսի դպրոցը արտակարգ բնդունակ և աշխատասեր Հովհաննեսին տվեց ոչ միայն բաղձակողմանի մասնագիտական լավ կրթություն, այլև ինքնուրույն գիտահետազոտական աշխատանք կատարելու լայն հնարավորություն: Դեռևս ուսումնառության տարիներին նա այցելում է Եվրոպայի մի շարք հանքավայրեր և կատարում հետազոտական աշխատանքներ: Հատկապես նա ուսումնասիրում է Բելգիայի ածխի ավազանը և ամփոփելով հորատման և հետախույզման աշխատանքների արդյունքները, գրում է «Արվագիծ» աշխատությունը, որը լույս է տեսնում 1912 թվականին, Մոնսում:

Շուտով, այս աշխատությունը, որպես «ածխի հանքավայրերը հետազո-

տելու լավագույնն փորձ» արտատպվում է Փարիզում հրատարակվող «Տեսություն» ամսագրում:

Տարվելով ածխի հանքավայրերի հետազոտման աշխատանքներով և զբաղվելով ածխագոյացման հարցերով, Հովհ. Կարապետյանը այցելում է նաև ածխի զերմանական, ֆրանսիական և անգլիական հանքավայրերը և մշակելով հավաքած նյութերը գրում է. «Քարածխային շերտերի պառկած և կախված կողերում երկաթի տոկոսային պարունակությունը որպես նրանց առաջացման բնույթի որոշիչ» աշխատությունը, որը լույս է տեսնում Լյեժում, նույն, 1912 թվականին: Այս աշխատությունն արգեն զառլի հետաքրքրություն է առաջացնում երկրաբանների լայն շրջաններում և նրանցից շատերը խոստովանում են, որ «այդ աշխատությունը հարստացնում է գիտությունը նոր գաղափարներով», իսկ պրոֆ. Պ. Ֆուրմաիերը գրում է, որ «գիտության մեջ մինչև օրս այդ հարցին նվիրված աշխատություն չի եղել, որ Հովհ. Կարապետյանը լրացնում է այդ բացը»:

1912 թվականի հուլիսին, Բելգիական երկրաբանական բնկերությունը, հաշվի տոնելով Կարապետյանի գիտությունը մատուցած ծառայությունը, նրան բնտրում է բնկերության իսկական անդամ:

1912 թվականին Մանսի զոլրոցը, նորավարտ Հովհ. Կարապետյանին զործուղում է Անգլիա՝ կատարելագործման համար: Միաժամանակ որոշվում է նրան պահել զոլրոցում գիտամանկավարժական աշխատանքի: Սակայն հայրենիքի կարոտը և իր ժողովրդին ծառայելու ջերմ ցանկությունը հանգիստ չեն տալիս նրան և Հովհաննեսը զոլրոցում կարճ ժամանակ աշխատելուց հետո, որոշում է վերադառնալ Հայքին:

1913 թվականին Հովհ. Կարապետյանը վերադառնում է Ռուսաստան և Հաստատվում է Թիֆլիսում: Սակայն Անդրկովկասի երկրաբանական կոոպերվածքի հետազոտման ուղղությամբ նրան չի հաջողվում ծավալել մեծ շափերի և պլանավորված աշխատանքներ: 1913—15 թվականների ընթացքում նա մի քանի մասնավոր ձեռնարկատերերի և արդյունաբերողների հանձնարարությամբ հետազոտում է Բաղաբջանգի, Թոգանալիի, Կոսպիի և Թոուզի հանքավայրերը, որոնց արդյունքները ամփոփված են նրա մի քանի ձեռագիր հաշվետվություններում և տպագիր աշխատություններում: 1915 թվականին նա հրավիրվում է Թուրքեստան, ուր հետազոտում է Ջեքել կայարանի շրջանի բարածխի հանքավայրը, որը շուտով հանձնվում է շահագործման: 1915 և 1916 թվականներին նա երեք անգամ զործուղվում է Իրան, ուր հետազոտում է Ուրմիա լճի և Կոսպիից ծովի հարավային ափի շրջանները և Թուրքումի ու Զինջանի պղնձի հանքավայրերը:

1917—1920 թվականների ընթացքում Հովհ. Կարապետյանը ղեկավարում է Ալավերդու խմբի հանքավայրերի հետախուզման աշխատանքները: Նա հատկապես ավելի մանրամասն կերպով ուսումնասիրում է Շամլուղի պղնձի հանքավայրը, կազմում է նրա երկրաբանական բարտեզը և տալիս է երկրաբանական կառուցվածքի և տարածված բարատեսակների նկարագրությունը: 1917 թվականի մարտին Կարապետյանը բնտրվում է Ալավերդու պղնձածուլական զործարանի բանվորների պատգամավորների խորհրդի զործագիր կոմիտեի անդամ:

Հովհաննես Կարապետյանի իսկական ստեղծագործական աշխատանքը և որոնումները ծավալվում են միայն Անդրկովկասում սովետական կարգերի

հաստատվելուց հետո, երբ նա դառնում է Անդրկովկասի լեռնահանքային արդյունաբերության վերականգնման և զարգացման մեծ ու զժվարին գործի իսկական ղեկավորը: Նա ողջունեց սովետական կարգերի հաստատումը Աղդրեքանում, Հայաստանում և Վրաստանում ու անցավ գործի:

1921 թվականին Հովհ. Կարապետյանը նշանակվում է Ռիֆլիսում Հայաստանի ներկայացուցչությանը կից դիտատնտեսական կոմիտեի լեռնագործարանային սեկցիայի վարիչ: Իսկ հունիսին՝ բնորոշվում է Հայաստանի ժողովրդական տնտեսության զերազույն խորհրդի նախագահության անդամ և Հայաստանի լեռնագործարանային ձեռնարկությունների ղլխավոր լիազոր:

1922 թվականին Կարապետյանը նշանակվում է Հայաստանի դիտատնտեսական խորհրդի նախագահ: Նույն թվականից նա հանդիսանում է նաև Վրաստանի ժողովրդական տնտեսության զերազույն խորհրդի խորհրդատու և Խուսաստանի երկրաբանական կոմիտեի աշխատակից:

Այդ շատ պատասխանատու պաշտոններում Հովհ. Կարապետյանը անդնահատելի ծառայություններ է մատուցում Անդրկովկասի լեռնահանքային ձեռնարկությունների վերականգնման, բազմաթիվ հանքավայրերի հետախուզման, լեռնամետալուրգիական արդյունաբերության զարգացման և հանքային հումքի նոր պաշարների հայտնաբերման բնագավառներում: Նա կազմում է բազմաթիվ հետախուզական պլաններ ու նախագծեր, գրում է մեծ թվով հաշվետվություններ, եզրակացություններ ու ղեկույցագրեր: Շուտով նրա անունը լայն ճանաչում է ստանում Անդրկովկասում: Նա աշխատում է ոչ միայն երկրաբանական ձեռնարկությունների հարցերի, այլև շինարարության, ջրամատակարարման և էլեկտրաֆիկացման կարևոր հարցերի մշակման ու լուծման վրա:

Սովետական կարգերի հաստատման առաջին տարիներին, Հովհ. Կարապետյանը մեծ աշխատանք է կատարում նախկինից իրեն հայտնի մի շարք հանքավայրերի անհատման ու շահագործման հանձնելու ուղղությամբ: Նա գրառվում է Ալավերդու և Ղափանի պղնձի հանքավայրերի, Նախիջևանի բարաղի, Տկվիբուլիի բարաժի, Չախախի երկաթի հանքավայրերի և այլ օգտակար հանածոների որոնողահետախուզական աշխատանքներով, տալիս է դրանց տնտեսական ու արդյունաբերական բնութագիրը:

1922 թվականին Զազեաի նախագծման ու շինարարության կապակցությամբ, Հովհ. Կարապետյանը ուսումնասիրում է Մցխեթի շրջանի երկրաբանական կառուցվածքը և տալիս է իր եզրակացությունը, այդ կարևոր կառույցի ինժեներաերկրաբանական պայմանների և այն բարձրորակ տեղական շինանյութերով ապահովելու մասին:

Նույն թվականին նա հետազոտում է Նախիջևանի աղահանքերը և տալիս է դրանց բնութագիրը: Հետագա մի քանի տարիների բնթացքում նա շարունակում է գրառվել այդ աղահանքերի և բարաղի հարցերով, կազմում է պլաններ ու նախագծեր, առաջարկում է մի շարք տեխնիկական կարևոր միջոցառումներ, որոնք Աղդրեքանի ժողտնտգերխորհի կողմից բնորոշվում են 1926 թվականին:

1923 թվականի մարտին, Ռիֆլիսում, Ալեքսանդր Մյոսսիկյանի անմիջական նախաձեռնությամբ հրավիրվում է Անդրկովկասի տնտեսական խորհրդակցություն, որին ակտիվ մասնակցություն է հանգես բերում նաև Հովհ. Կարապետյանը: Գեոևս խորհրդակցության նախօրյակին նա հանգես

է գալիս մամուլում մի շարք հողավածներով, որոնց մեջ վեր է հանում Անդրկովկասի հանքային հարստութիւնների օգտագործման և լեռնահանքային արդյունաբերութեան վերականգնման հարցերը:

Այդ խորհրդակցութիւնում Հով. Կարապետյանը հանդես է գալիս «Անդրկովկասի հանքային հարստութիւնները» թեմային նվիրված ղեկուցումով և մասնակցում է «Արդյունաբերութեան խնդիրները» հարցի շուրջ ծավալված մտքերի փոխանակութեանը: Այդ ելույթները կարևոր նշանակութիւն ունեցան Անդրֆեդերացիայի երկրաբանական ծառայութեան ստեղծման ու հետագա ամրապնդման, որոնողահետախույզական աշխատանքների ծավալման և լեռնահանքային արդյունաբերութեան զարգացման համար:

1932—35 թվականների ընթացքում Հով. Կարապետյանը ուսումնասիրում է Վրաստանի ածխարդյունաբերութեան վիճակը և Տկվիբուլի ու Տկվարչելի հանքավայրերի հետախուզման նյութերի հիման վրա նշում է ածխարդյունահանման հետագա զարգացման ուղիներն ու հեռանկարները:

1924 թվականին Անդրկովկասի ժողովոյի խորհրդի հանձնարարում է Հով. Կարապետյանին Վրաստանում ֆերոմարգանցի ձուլման ուսումնասիրման և կազմակերպման գործը, որտեղ նա ևս հանդես է բերում ակտիվ մասնակցութիւն:

Նույն թվականին Անդրկովկասի Կենտրոնական առընթեր կազմակերպում է «Անդրկովկասյան գիտական ասոցիացիա», որի ակտիվ գործիչներից մեկը հանդիսանում է Հով. Կարապետյանը: Նա այդ թվականին մասնակցում է Ասոցիացիայի գիտական արշավախմբի աշխատանքներին, ուսումնասիրելով Հարավ-Օսեթիայի երկրաբանական կառուցվածքը և օգտակար հանածոները:

1924 թվականին Հով. Կարապետյանը նշանակում է Աղբրեջանի ժողտնտեսքի խորհրդատու: Այստեղ նա կազմում է լեռնահանքային արդյունաբերութեան վերականգնման ու զարգացման հնգամյա հեռանկարային պլանը, որն ամենայն իրավամբ հանդիսանում է Աղբրեջանի լեռնահանքային արդյունաբերութեան զարգացման անդրանիկ ծրագիրը:

Այդ նույն թվականին Հով. Կարապետյանը հրապարակում է Հայաստան, որպէս Արաքսի և Ղափանի լեռնահանքային ձեռնարկութիւնների խորհրդատու: Նախկինից ծանոթ լինելով մեր հանքապետութեան պղնձի հանքավայրերին, նա մեծ ուժ ու եռանդ է նվիրաբերում այդ հանքավայրերի վերականգնման և հետագա որոնողահետախույզական աշխատանքների ճիշտ կազմակերպման ուղղութեամբ: Եվ ահա այստեղ էլ գրեթէ ամբողջովին նրա տեսական ու հատկապէս գործնական գիտելիքների միասնութիւնը: Հանքափորի արտահանութեան հարցին նա օր ու գիշեր շրջում է ստորերկրյա «կախարդական» աշխարհի հանքուղիներում և հանքախորշերում, մեծ ոգևորութեամբ շարունակում է իր շատ դժվարին աշխատանքը, որոնումներն ու հետազոտութիւնները: Հով. Կարապետյանը մշակում է Հայաստանի պղնձի արդյունաբերութեան վիճակի և զարգացման հեռանկարների հարցերը, կազմում է հանքապետութեան առաջին հնգամյա պլանի համապատասխան թվերը և հրապարակում է այդ խնդիրներին նվիրված մի շարք հողավածներ:

1925—1926 թվականներից սկսած մեծ աշխատանքներ են նախաձեռնվում Երկրի էլեկտրաֆիկացիայի և ոռոգման խոշոր կառուցումների նախագծումների կապակցութեամբ: Ահա այդ կարևոր բնագավառում ևս Հով.

Կարապետյանը հանդես է բերում ակալիվ մասնակցություն՝ հետազոտելով Անդրկովկասի այդ կառույցների երկրաբանական և ջրաներկրաբանական պայմանները:

1925—26 թվականներին, Հովհ. Կարապետյանը, Աղբրեջանի կառավարության հանձնարարությամբ, էներգետիկ և ոռոգման նպատակների համար, ուսումնասիրում է Թարթար գետի միջին հոսանքի Սարսանգ—Մաղապիս և Ջալլու—Կոզլու տեղամասերը և տալիս նրանց ջրաներկրաբանական նկարագրությունը:

1927 թվականին Դաղստանի էլեկտրաֆիկացիայի և ոռոգման աշխատանքների կապակցությամբ նա հետազոտում և տալիս է Ախտին-չայ, Սամուր և Սուլակ գետերի վրա նախագծվող էլեկտրակայանների տեղամասերի երկրաբանական պայմանները:

Նույն թվականին Թափարավանի էլեկտրակայանի նախագծման և որոնման աշխատանքների կապակցությամբ, Հովհ. Կարապետյանը իր հայրենի հավախքում կատարում է մեծ մասշտաբի երկրաբանական-հետազոտական աշխատանքներ, որոնց արդյունքները հետադաշում լույս են տեսնում առանձին գրքով:

Հովհաննես Կարապետյանը էլ ավելի գործունյա մասնակցություն է հանդես բերում Հայաստանում նախագծվող և կառուցվող էներգետիկ և ոռոգման շինարարության բնագավառում: 1927—1928 թվականներին նա հետազոտում է Զորագետի շինարարության ջրաներկրաբանական պայմանները և տալիս է այդ բարդ կառույցի եզրակացությունը: Հետաքրքրական է նշել, որ տեղում կատարած դաշտային աշխատանքների ընթացքում նրա ամենամոտիկ ուղեկիցներն են եղել սնվանի էներգետիկ Հովսեփ Տեր-Աստվածատրյանը և գրող Մարիեստա Շահինյանը:

1927—30 թվականների ընթացքում Հովհ. Կարապետյանը հետազոտում է Հայաստանի մի շարք հիդրոտեխնիկական կառույցումների՝ Երևանի և Քանաքեռի էլեկտրակայանների, Ղոերի, Ալյրլճի և Սարգաբաբադի ջրանցքների, Արաքս և Հրազդան գետերի վրա նախագծվող ամբարտակների և էլի մի քանի շրջանային էլեկտրակայանների ու ոռոգիչ ջրանցքների ջրաներկրաբանական պայմանները և ներկայացնում է համապատասխան հաշվետվություններ ու եզրակացություններ:

Ավելի ուշ, 1931—34 թվականներին, նույնանման աշխատանքներ նա կատարում է Վրաստանում և Աղբրեջանում, տալով Կեղասուրի, Բեսլեղկա, Կումիստա, Կսանկա և Նախիջևան-չայ, Կիշ-չայ գետերի վրա նախագծվող հիդրոտեխնիկական կառույցումների երկրաբանական պայմանները:

1928 թվականին լույս է տեսնում Հովհ. Կարապետյանի «Հայկական ՍՍՏԵ երկրաբանական ակնարկը» գիրքը, որը նրան հանձնարարել էր գրել Պետպլանը, կապված հանրապետության շրջանացման, արտագործական ուժերի բաշխման ու զարգացման և հանքային հումքի ռեսուրսների օգտագործման հարցերի հետ: Աշխատությունը հանդիսանում է նրա երկար տարիների ընթացքում Հայաստանի առանձին շրջանների երկրաբանություն և օգտակար հանածոների ուսումնասիրության համառոտ ամփոփումը: «Ակնարկի» մեջ հեղինակը հատկապես կանգ է առնում մետաղական հանքավայրերի և հանքային աղբյուրների վրա, տալիս է նրանց ընդհանուր բնութագիրը:

Հայաստանի հանքային ջրերի մասին խոսելիս չի կարելի չնշել Հովհ.

Կարապետյանի անունը: Դեռևս 1925 թվականին նա ժողտնտղերիսրճում հանդես է գալիս «Հայաստանի հանքային աղբյուրները» ղեկուցումով, որը խթան է հանդիսանում այդ ուղղությամբ լուրջ աշխատանքներ կազմակերպելուն: 1929 թվականին նա բնութվում է Առնոլդկոմատի գիտաբժշկական խորհրդի անդամ և հետագա տարիներին, անվանի մասնագետներ Ա. Դեմյոխինի, Լ. Շովհաննիսյանի և Ա. Մաղաթյանի հետ մեծ զործ է կատարում հանքային աղբյուրների հետազոտման, Արզնի կուրորտի բարեկարգման և բնոհանքապես կուրորտաշինարարության բնագավառներում:

Բացի հանքային ջրերից, Շովհ. Կարապետյանը զբաղվել է նաև քաղցրահամ ջրերի ուսումնասիրության և քաղաքների ու ավանների ջրամատակարարման հարցերով: Դեռ 1923 թվականին, նա ուսումնասիրում է Արագած լեռան և Արարատյան դաշտավայրի ջրաբերության և ջրամատակարարման հարցը, մշակում է վերերկրյա և ստորերկրյա ջրերի օգտագործման մի քանի գործնական միջոցառումներ: 1925 թվականին նա հետազոտում է էջմիածնի, Ղամարլուի և Վեդիի շրջանների ջրաներկրաբանական պայմանները և շարունակում է աշխատել արտեզյան ջրհորների փորման և ձահձակալած հողերի յուրացման հարցերի մշակման վրա:

Վերջապես Շովհ. Կարապետյանը զբաղվել է Կրիխ-Բուլաղի և Արզնու քաղցրահամ աղբյուրների հարցերով, կապված նրանի ջրամատակարարման և ջրատարի շինարարության հետ: Նա զբաղվել է նաև Լենինականի, Արթիկի, Արարատի և այլ բնակավայրերի ջրամատակարարման խնդիրներով:

1930 թվականին անվանի երկրաբանը նշանակվում է Հայաստանի ժողկոմխորհի և Անդրկովկասյան պետական երկրաբանական հետախույզական վարչության մշտական խորհրդատու, իսկ ավելի ուշ, 1932—34 թվականներին՝ նաև «Քիմկոմբինատ», «Իաշքեսանստրոյ» և «Չալգրուդիա» խոշոր կազմակերպությունների ու Անդրկովկասյան երկաթուղային վարչության խորհրդատու: Այդ պաշտոններում նա զբաղվում է իրեն ոչ միայն որպես ակադեմիկոս երկրաբանի, այլև, մեծ կազմակերպչի, որը զգալի զործ է կատարում Անդրկովկասի մասշտաբով հանքավայրերի հետազոտման ու շահագործման, ջրաներկրաբանական և շինարարական խոշոր աշխատանքների կազմակերպման ու ղեկավարման հարցերում:

1931—32 թվականներին Շովհ. Կարապետյանը աշխատում է Մոսկվայում, որպես Մոսկվա—Վոլգա ջրանցքի գլխավոր խորհրդատու և նրա նախագծի հեղինակի տեղակալ: Այստեղ ևս նա կատարում է անգնահատելի աշխատանք, ղեկավարելով նախագծի ինժեներական երկրաբանության, ջրամատակարարման և հիդրոտեխնիկական կառուցումների բնագավառը: Նա տալիս է մի քանի ամբարտակների ջրաներկրաբանական պայմանների եզրակացությունը, կազմում է Վոլգայի կապտածի նախահաշիվը, հանդես է գալիս այդ հարցերին նվիրված ղեկուցումներով և վերջապես տկտիվ մասնակցություն է ունենում Միության ջրային ուսույթների հետագա օգտագործման հարցերի մշակմանը:

1934 թվականի վերջերին, Հայաստանի կառավարության հրավերով, Շովհ. Կարապետյանը Ռիֆլիսից փոխադրվում է Երևան, երկրաբանական ինստիտուտ կազմակերպելու համար: Նա տեղափոխում է Երևան իր անձնական շատ հարուստ գրողարանը և շատ արժեքավոր երկրաբանական հավաքածուները, նաև երկրաբանական թանգարան հիմնելու համար:

Հայաստանում երկրաբանական գիտահետազոտական ինստիտուտ կազմակերպելու գործը ինքնրստինքյան ներկայացնում էր զգալի դժվարություն: Հարկավոր էր ունենալ շենք, լաբորատոր բազա, սարքավորում, մասնագիտական գրադարան և համապատասխան գիտատեխնիկական կադրեր: Ահա այն հիմնական խնդիրները, որոնցով պետք է զբաղվեր անվանի երկրաբանը այդ դժվարին հարցերի լուծման ճանապարհին: Սակայն Հովհ. Կարապետյանը, այն հաջողակապ ուժի, մտքի ու եռանդի տեր մարդն էր, որը չէր վախենում ոչ մի դժվարությունից և ուներ կազմակերպչական աշխատանքի մեծ ձիրք: Եվ նա մեծ ոգևորությամբ անցնում է գործի, որովհետև իրականացել էր իր վաղեմի երազանքը. հայ ժողովուրդը պետք է ունենար մի կարևոր գիտահետազոտական հիմնարկ, որը պլանավորված կերպով պետք է ուսումնասիրեր երկրի երկրաբանական կառուցվածքը և բնօրրոնում տարածված օգտակար հանածոները. մի նվիրական բան, որի մասին նա երազել էր դեռևս 1900-ական թվականների սկզբներին: Եվ Հովհ. Կարապետյանը Հայաստանի ժողովուրդի հախազահ Ս. Տեր-Փաբրիկյանի անմիջական օգնությամբ մեծ գործ է կատարում ինստիտուտի գիտահետազոտական բազայի ստեղծման և հետագա բնագրադարանի ուղղությամբ:

Կարճ ժամանակ անց, 1935 թվականի փետրվարին, Հայկական ՍՍՀ ժողովուստական օրոշմամբ հիմնվում է Միության Գիտությունների ակադեմիայի Հայկական ֆիլիալ (ԱՐՄՖԱՆ), որի կազմի մեջ մտնում է նաև երկրաբանական ինստիտուտը: Նույն օրոշումով Հովհ. Կարապետյանը նշանակվում է ինստիտուտի ղեկավար, հաստատվում է ֆիլիալի նախագահության անդամ և արշավախմբերի գիտահետազոտական հանձնաժողովների նախագահ:

Հայկական ֆիլիալի ստեղծումը երկրաբանական ինստիտուտի և անձամբ Հովհ. Կարապետյանի համար հանդիսացավ տեսական ու գործնական աշխատանքների կազմակերպման և ծավալման մի նոր շրջան: Նա զգալի աշխատանք է կատարում ինստիտուտի գիտաարտադրական բազայի ստեղծման, շնորհալի մասնագիտական կադրերի հավաքագրման ու պատրաստման և գիտահետազոտական մի քանի թեմատիկ աշխատանքների կատարման ուղղությամբ:

1935 թվականի նոյեմբերին, Հայաստանի Կենտրոնական Հովհ. Կարապետյանին շնորհում է գիտության վաստակավոր գործչի պատվավոր կոչում, իսկ 1936 թվականի հունիսին՝ Միության գիտությունների ակադեմիայի նախագահությունը նրան Անդրկովկասի երկրաբանական կառուցվածքի ուսումնասիրության բնագավառում կատարած աշխ. բնկնող ծառայությունների համար, առանց զիսերտացիա պաշտպանելու շնորհում է երկրաբանական-հանքաբանական գիտությունների դոկտորի աստիճան:

1936 թվականին լույս է տեսնում Հովհ. Կարապետյանի նոր աշխատությունը, նվիրված Փամբակի հովտի գեոմորֆոգիան պրոցեսներին: Անհրաժեշտ է նշել, որ այն հանդիսանում է երկրաբանական ինստիտուտի գծով հրատարակված անդրանիկ զրբույլը, որի հեղինակը քննարկում է Հայաստանի երկրաբանության և ջրաերկրաբանության հետ կապված ժողովրդատնտեսական նշանակություն ունեցող մի կարևոր հարց և անում է գործնական նշանակություն ունեցող առաջարկություններ:

Հովհ. Կարապետյանը մինչև 1939 թվականը սրպես ղեկավար ղլխավորեց երկրաբանական ինստիտուտի աշխատանքները և միայն հիվանդության

պատճառով հետադարձ աչդ պաշտոնից: Սակայն նա մինչև իր մահը մնաց ինստիտուտի գիտական խորհրդի անդամ և խորհրդատու, շարունակեց օգնել ինստիտուտին նրա առաջ դրված գիտահետազոտական խնդիրների լուծման և որակյալ կադրերի պատրաստման ու աճեցման տմենապատասխանատու դործում:

1943 թվականի նոյեմբերին ստեղծվում է Հայկական ՍՍՀ Գիտությունների ակադեմիան, որի կազմի մեջ մտնող մի քանի ինստիտուտների շարքում իր պատվավոր տեղն է գրավում նաև Հովհ. Կարապետյանի կողմից հիմնադրված ու այնքան սիրված երկրաբանական ինստիտուտը: Դրանով հիմք է դրվում Հայաստանի երկրաբանության գիտական ուսումնասիրության մի նոր, ավելի արդասավոր շրջանի:

Եվ այսօր, ուրախալի է նշել, որ իր գոյության շորս տասնամյակի ընթացքում, ինստիտուտը մի փոքր գիտական օջախից աճել ու վեր է ածվել գիտահետազոտական մի խոշոր կենտրոնի, որն ունի ժամանակակից սարքավորումներով հագեցած բազմաթիվ բաժիններ, լաբորատուրիաներ ու կաբինետներ, հենց նրա Կարապետյանի պայծառ անունը հավերժացնող հիանալի թանգարան, հարուստ մասնագիտական գրադարան և ստեղծագործող կոլեկտիվ, որն աշխատում է այնպիսի գիտական և դործնական նշանակություն ունեցող պրոբլեմների մշակման վրա, որոնց արդյունքները մեր երկրի սահմաններից դուրս ստացել են լայն ճանաչում:

1935—40 թվականներին, Հովհ. Կարապետյանը, անվանի երկրաբան, պրոֆ. Տիգրան Զրբաշյանի հետ, զգալի աշխատանք է կատարում նաև Երևանի Պետական համալսարանի աշխարհագրական-երկրաբանական ֆակուլտետում: Այդ տարիներին նա վարում է ընդհանուր երկրաբանության ամբիոնի վարիչի և պետական քննական հանձնաժողովի նախագահի պաշտոնները, կազմում և վերամշակում է մի շարք առարկաների ուսումնական ու արտադրական ծրագրերը, կազմակերպում է Հայաստանի և Կովկասի երկրաբանությանը և աշխարհագրությանը նվիրված դասախոսություններ, մտահոգվում է մայրենի լեզվով դասադրքեր ստեղծելու հարցով և այլն:

1937 թվականի հունիսին Մոսկվայում Զրափրվում է Միջազգային 17-րդ երկրաբանական կոնգրես, որի աշխատանքներին ակտիվ մասնակցություն է հանդես բերում նաև Հայաստանի երկրաբանական ծառայության ավագագույն ներկայացուցիչ Հովհ. Կարապետյանը: Հանդիսանալով կոնգրեսի կազմկոմիտեի անդամ, նա զգալի գործ է կատարում Հայաստանում կոնգրեսին նախապատրաստվելու, պատգամավորների Կովկասյան էքսկուրսիաների խմբի մասնակիցների դիմավորման, տեղում շրջագայելու և բացատրություններ տալու հարցերում:

Կոնգրեսում Հովհ. Կարապետյանը հանդես է գալիս «1937 թվականի հունվարի 7-ի Երևան քաղաքի և նրա շրջակայքի երկրաշարժի բնույթի և պատճառների մասին» թեմային նվիրված զեկուցումով, որը լսվում է մեծ հետաքրքրությամբ: Զեկուցման մեջ ընդհանուր գծերով տալիս է Հայաստանի երկրաշարժերի պատմությունը, սեյսմիկ շրջանները, երկրաբանական պայմանները, սեյսմիկ շրջանացումը և հակասեյսմիկ շինարարության խնդիրները, իսկ ավելի մանրամասն կանոց է առնում Լենինականի (1926), Գորիսի (1931) և Երևանի երկրաշարժերի ցնցումների բնութագրման ու հետևանքների վրա:

1937 թվականը Հայաստանի երկրաբանական ծառայության և գիտության ու մշակույթի բնագավառի համար նշանավոր է մի շատ կարևոր իրադարձությամբ: Հովհաննես Կարապետյանի կողմից մոտ երեք տասնամյակի ընթացքում հավաքած շատ արժեքավոր ու խիստ բաղմամբ երկրաբանական հարուստ հավաքածուների բազայի վրա, նրա անմիջական մասնակցությամբ ու ղեկավարությամբ երևանում հիմնադրվում է Գիտությունների ակադեմիայի Հայկական ֆիլիալի երկրաբանական ինստիտուտի թանգարանը:

Դեռ շատ տարիներ առաջ, երբ տակավին երիտասարդ երկրաբանը անցնում էր երկրից-երկիր և շրջում էր հանքավայրից-հանքավայր ու խնամքով հավաքում էր իր ապագա հավաքածուների առաջին նմուշները՝ «քարերը», նա նույնպես էր գրել ստեղծել «քարերի թանգարան» և այն դարձնել ժողովրդի սեփականությունը:

Վերջապես իրականանում է ականավոր երկրաբանի երկար տարիների իղձը՝ մի հարկի տակ կենտրոնացնել ու ցուցադրել իր հավաքած «քարերը», այն քարերը, որոնք նա հավաքել էր մեծ զմլարությունների ու զրկանքների գնով, որոնց նա նվիրաբերել էր իր սղջ կյանքը, որոնց նա տվել էր ամբողջ ուժը, սերն ու էությունը: Եվ իր երջանիկ կյանքի դարունն ապրող անվանի երկրաբանը «երգից քարերի դարթոնքը և կյանքի կոչից նրանց»:

Ներկայումս երկրաբանական թանգարանը տեղ և դարձել է մի ինքնատիպ «քարերի գանձարան», որը գիտահանրամատչելի ձևով ցուցադրում է այն խոշոր հաջողությունները, որոնք ձեռք են բերել մեր երկրաբանները հանրապետության երկրաբանական կառուցվածքի և օգտակար հանածոների ուսումնասիրման և հետազոտման պատվավոր գործում: Թանգարանը տանում է գիտահետազոտական աշխատանք և կադմակերպում է աշխատավորների և ուսանող-գալորցականների լայն շրջաններում երկրաբանության հարցերի շուրջը պրոպագանդա: Թանգարանը անընդհատ լրացվում է երկրաբանական ինստիտուտի և հանրապետության Է. Գրաբանական ծառայության աշխատողների նոր, արժեքավոր հավաքածուներով և ներկայումս այն ամենայն իրավամբ դասվում է Միության լավագույն երկրաբանական թանգարանների շարքը:

Հովհաննես Կարապետյանի մահից հետո, Հայաստանի ժողովրդի հրավարակց Հայաստանի Գիտությունների ակադեմիայի նախագահության ղեկավար և նրա անունը շնորհից ականավոր երկրաբանի կողմից հիմնադրված թանգարանին: Եվ այսօր, նրա պաշտոն գործն ու անունը հավերժացնող երկրաբանական թանգարանը, որպես անձեռնմխելի մի հուշարձան տանում է Հայկական դոկտրին լեռնաշխարհի հարուստ գանձերը գալիք սերունդներին:

Կյանքի վերջին տարիներին, Հովհ. Կարապետյանը շնայած առողջական ծանր վիճակին, շարունակում է մասնակցել երկրի հասարակական, տնտեսական ու քաղաքական կյանքին: Նա իր հարուստ փորձն ու գիտելիքները շարունակում է հաղորդել հանրապետության երկրաբանական ծառայության աշխատողներին, տալիս է արժեքավոր խորհուրդներ երկրաբանության առաջ ծառայած խնդիրների լուծման և կադրերի պատրաստման հարցերում: Այդ տարիներին բազմապատակ երկրաբանը գրում է տեղական հոմքի օգտագործման հարցերին նվիրված մի շարք հոդվածներ ու ամփոփում է նախկինում կատարած հետազոտությունների արդյունքները:

Հովհաննես Կարապետյանը վախճանվեց երևանում, 1943 թվականի դեկ-

տեմբերի 4-ին, երկարատև ու ծանր հիվանդությունից հետո: «Հանձինս Հ. Կարապետյանի,— ասվում է մահախոսականում,— մենք կորցրինք մի խոշորագույն մասնագետ կիրառական երկրաբանության բնագավառում, որը ուժ ու եռանդ է ներդրել մեր երկրի արդյունաբերության Վերականգնման և շինարարության գործի մեջ»:

Հովհաննես Կարապետյանի թողած գրական ժառանգությունը բավականին մեծ է և բազմազան: Նա թողել է մոտ երկու հարյուր տպագիր աշխատություն ու հոդված և այդքան էլ ձեռագիր հաշվետվություն, եզրակացություն ու զեկուցագիր: Նրա աշխատությունների ցանկը նայելիս, մարդ զարմանում է, թե որքան շատ բնագավառներ է բնդգրկել նա: Բազմալատակ երկրաբանը ստեղծագործել է ոչ միայն երկրաբանության (լայն առումով) և լեռնահանքային արդյունաբերության, այլև շինարարության, պատմության, գրականության և արվեստի բնագավառներում:

Անվանի երկրաբանի կյանքը և գործը մի հիանալի դպրոց է, կարոտ բազմակողմանի և մանրագնին ուսումնասիրության: Նա իմաստավորեց իր կյանքը և անջնջելի հետքեր թողեց Հայաստանի և Անդրկովկասի երկրաբանության և լեռնային գործի պատմության մեջ: Սերտորեն կապված լինելով իր հարապատ ժողովրդի հետ, նա անշեջ սիրով սիրել է մինչև իր կյանքի վերջը հավատարիմ է մնացել նրան: Ժողովուրդն էլ իր հերթին սիրեց ու մեծարեց նրան: «Երկրի բժշկին» (այդպես էին անվանում նրան), Հայաստանի երկրաբանության առաջին սերմնացանին ու լեռնահանքային գործի մեծ նահապետին:

ՀՍՍՀ ԳԱ Երկրաբանական
գիտությունների ինստիտուտ

Ընդունված է 30.IV.1975.

Л. А. АВАКЯН

ТРУЖЕНИК ГЕОЛОГИИ И ГОРНОГО ДЕЛА

Резюме

Ованес Тигранович Карапетян (1875—1943)—один из видных ученых и организаторов геологической службы в Армении. Его разносторонняя и плодотворная деятельность сыграла значительную роль в изучении геологического строения и полезных ископаемых, а также в развитии горнорудной промышленности Армении и Закавказья.

О. Т. Карапетян явился основателем Геологического института (1935) и Геологического музея (1937) АН Армянской ССР. Свои обширные знания, блестящий талант и неисчерпаемую энергию он целиком отдал делу развития геологической службы и воспитанию молодых кадров. Ованес Тигранович творил в самых различных областях социалистического строительства и культуры.

В работе приводятся основные вехи жизни и деятельности этого выдающегося геолога.